

Bosna i Hercegovina

Federacija BiH

Kanton Sarajevo

Skupština Kantona Sarajevo

32. radna sjednica

n/p predsjedavajućeg, gosp. E.Okerić

ZASTUPNIČKO PITANJE

Ministarstvo Zdravstva

Na osnovu inicijative Udruženja dijabetičara djece i omladine Kantona Sarajevo postavljam pitanje Ministarstvu zdravstva: „Zašto se ne provodi Uredba donesena 25.06.2018.godine koja je jednoglasno usvojena i odnosi se na sljedeće:

Образложење:

Na 43. Radnoj sjednici Skupštine Kantona Sarajevo od 25.06. 2018 godine na inicijativu Udruženja dijabetičara djece i omladine Kantona Sarajevo zastupnici su jednoglasno usvojili 4. zaključka za unapređenje zdravstvene zaštite za djecu i mladih u Kantonu Sarajevo na teret Zavoda zdravstvenog osiguranja kantona Sarajevo. Zaključci su :

1. Da se lijek Glukagon osigura svim pacijentima inzulo-ovisnicima, za sve koje je utvrđena medicinska indikacija za upotrebu lijeka, a isti je obezbijeden kroz bolničku esencijalnu listu, osigura kroz poseban program/protokol na teret sredstava obaveznog osiguranja, a preko ZZO Kantona Sarajevo.
2. Da se kroz izmjene i dopune budžeta Kantona Sarajevo obezbijedi 300.000 KM za nabavku inzulinskih pumpi za novootkrivene slučajeve inzulini-ovisnike i zamjenske pumpe do utroška navedenih sredstava za registrirane inzulini-ovisnike u 2018 godini, interventno. A od 2019 i narednih godina se sredstva osiguravaju iz obaveznog zdravstvenog osiguranja, odnosno da ih ZZO Kantona Sarajevo finansira u kontinuitetu u skladu sa Uredbom.

3. Nabavka senzora, odnosno aparata za kontinuirano mjerenje šećera u krvi će se vršiti na teret sredstava obaveznog osiguranja u skladu sa Uredbom o funkcionalnim sredstvima s tim što se navedeni aparati registriraju u Agenciji za lijekove i medicinska sredstva BiH.
4. Da se aparati i 10 trakica godišnje za mjerenje ketona u krvi obezbijede za svakog inzulo-ovisnika do 26 godina na teret ZZO Kantona Sarajevo.

Nakon Skupštine donesena je Uredba o ortopedskim pomagalicama koja je objavljena u Službenim Novinama Kantona Sarajevo broj: 31 od 26 jula 2018 godine, u vrijeme mandata ministrice Zilhe Ademaj. Međutim, ta Uredba se nikad nije počela sprovoditi !!! ZZO Kantona Sarajevo je i dalje koristio Uredbu iz 2007 godine. Ne znamo razlog ne sprovođenja Uredbe od 26 jula 2018 godine, niti imamo informacije da li je Uredba stavljena van snage, a ako jeste ko je i zašto to uradio.

U toj Uredbi su bili ugrađeni navedeni zaključci, ali ne u cjelosti. Prema našim saznanjima ZZO Kantona Sarajevo je napravilo poseban program za izdavanje glukagona djeci sa dijabetesom tip 1 (lijek koji se daje u slučaju izazitog niskog šećera u krvi). Ministarstvo zdravstva Kantona Sarajevo nema uvid u taj program. Prema informacijama iz Udruženja dijabetičara djece i omladine Kantona Sarajevo djeci sa dijabetesom, koja imaju indikacije je omogućeno dobijanje glukagona. Ali glukagon nije dostupan kako je navedeno u u 1. Zaključku Skupštine „svim pacijentima inzulo-ovisnicima“. Radi se o lijeku koji „život spašava“, ne koristi se često i za ZZO Kantona Sarajevo predstavlja neznatan trošak.

Što se tiče 2 zaključka Skupštine Kantona Sarajevo nakon donošenja Uredbe od 26 jula 2018 godine, on je djelimično ispunjen. Uredbom je predviđeno da se nove inzulinske pumpe mogu odobriti osiguranicima do 26 godine. Međutim, nije ispoštovan kontinuitet terapije inzulinskim pumpama. Nisu riješena pitanja zamjene pumpe i kontinuirana isporuka potrošnog materijala, jer je stavljeno ograničenje do 26 godine. Iz sredstava budžeta Kantona Sarajevo su nabavljene 53 inzulinske pumpe za oboljele do 18 godina, što je u suprotnosti sa donesenom uredbom (26 godina).

Uredbom od 26 jula 2018 godine su predviđeni aparati i senzori za kontinuirano mjerenje glukoze. Zašto nikad nije pokrenut postupak nabavke, ne znamo razlog. Mi imamo informacije da postoje registrovani kontinuirani mjerači i senzori za mjerenje šećera u BiH.

Četvrti zaključak Skupštine Kantona Sarajevo, aparati i 10 ketonskih trakica godišnje za inzulinske pacijente nije ni uvršten u Uredbu od 26 jula 2018. godine.

Tokom 2019. i 2020 godine, u više navrata su predstavnici Udruženja dijabetičara djece i omladine Kantona Sarajevo dolazili u Ministarstvo zdravstva Kantona Sarajevo i tražili da se realizuju zaključci Skupštine Kantona Sarajevo. U prisustvu direktora ZZO Kantona Sarajevo i ministrice Amele Sofić, a kasnije ministra Rusmira Mesihovića je obećano da će se to riješiti novom Uredbom. Ministar Mesihović je imenovao komisiju za izradu nove Uredbe o ortopedskim pomagalicama, koju su činili predstavnici ZZO KS, ministarstva zdravstva KS i predstavnici struke. Član komisije je bio i Prim. dr. Midhat Mujić-pedijatar dijabetolog, koji je učestvovao u donošenju zaključaka na 43. sjednici Skupštine Kantona Sarajevo 25.06.2018. Na prvom i jedinom sastanku komisije prihvaćene su sve primjedbe dr. Mujića na radnu verziju Uredbe, koju je pripremio ZZO KS. Međutim, nakon sastanka komisije od ZZO KS dobili smo Uredbu, koju je trebalo da usvoji Vlada Kantona Sarajevo. Ali nakon uvida u Uredbu vidjeli smo da Uredba nije u skladu sa zaključcima koje je donijela komisija. Ponovo su stavljena ograničenja djeci i mladima sa dijabetesom vezana za inzulinske pumpe, što je u suprotnosti sa 2. zaključkom Skupštine Kantona Sarajevo. ZZO Kantona Sarajevo nije pismeno obrazložio izmjene, mimo znanja komisije. Prim. dr. Midhat Mujić je sa predstavnicima Udruženja dijabetičara djece i omladine posjetio Predsjednika Upravnog odbora ZZO KS Milana Dunovića i dogovoreno je nakon telefonskog razgovora sa ministrom Mesihovićem da se usvoji prijedlog komisije. Međutim, zašto nije usvojen prijedlog komisije na

sjednici Upravnog odbora može objasniti predsjednik Milan Dunović. Nova Uredba o ortopedskim pomagalicama je usvojena 28.05.2020 godine na 17. Sjednici Vlade Kantona Sarajevo, a objavljena u Službenim novinama Kantona Sarajevo 22/20 od 11. 06. 2020 godine. U odnosu na uredbu iz jula 2018 godine preciznije su regulisani članovi vezani za kontinuirane mjerače glukoze u krvi i dodat je član o pravu na aparate i 10 trakica za mjerenje ketona u krvi. I dalje nije riješeno pitanje terapije inzulinskim pumpama u kontinuitetu, jer nije ispoštovan prijedlog komisije da se dobna ograničenja za potrošni materijal i zamjenu pumpi ukinu.

Ministarstvo zdravstva Kantona Sarajevo je učinilo sve da se ispoštuju zaključci sa 43 sjednice Skupštine Kantona Sarajevo, u cilju poboljšanja zdravstvene zaštite djece i mladih sa dijabetesom. Komisija za izradu Uredbe, koju je imenovalo Ministarstvo zdravstva Kantona Sarajevo je na osnovu predloženih izmjena radne verzije Uredbe ZZO KS očekivala da će se realizirati zaključci u potpunosti. Naime, ZZO KS je oslobođen nabavke inzulinskih pumpi za oboljele do 18 godina, jer je tu obavezu preuzeo Zavod zdravstvenog osiguranja i reosiguranja Federacije BiH i do sada je KCU Sarajevo od Federalnog zavoda dobio 21 pumpu u 2020 godini, što iznosi oko 110.000 KM. Ali ZZO KS je nije oslobođen nabavke pumpi za oboljele od 18 do 26 godine i zamjenskih pumpi u slučaju kvara. Uz navedenu uštedu, komisija je tražila da se ukinu referalna cijena i raspiše odmah tender za nabavku trakica za mjerenje šećera za odrasle. Naime, referalna cijena trakica, koju je donio Upravni odbor ZZO KS je nerealno visoka 29,50 KM (sa PDV-om) za 50 komada, a Zavod zdravstvenog osiguranja i reosiguranja Federacije BiH je na zadnjoj aukciji dobio cijenu od 9.50 KM. Na taj način se na godišnjem nivou uštedi oko 1.300.000 KM.

Mi znamo da postoje primjedbe mnogih udruženja na Uredbu, ali to nije razlog da se počne sa primjenom iste, jer je objavljena u Službenim novinama Kantona Sarajevo 22/20 od 11.06.2020 godine. To nam je obaveza po članu 206 Poslovnika Skupštine, a primjedbe ako su opravdane Ministarstvo zdravstva i ZZO Kantona Sarajevo mogu naknadno rješavati putem aneksa. Nažalost, ni nakon 27 mjeseci od donošenja zaključaka, djeca sa dijabetesom se i dalje 10 x dnevno ubodu, umjesto 15x mjesečno. Mnoga korisnici su odugovlačenjem primjene Uredbe izašla iz prava zbog dobnog ograničenja. Vrijeme je da počnemo realizirati zaključke 43. Sjednice Skupštine Kantona Sarajevo, jer djeca sa dijabetesom to čekaju više od 2 godine.

Sarajevo, 05.01.2021. godina

Šef Kluba zastupnika SDP BiH u SKS

Igor Stojanović